

《空之探究》導讀(補充資料)

第一節引言

阿含經與五部

- 漢譯 四阿含 (公元二世紀)
 - 雜阿含
 - 中阿含
 - 長阿含
 - 增一阿含
- 巴利(Pāli) 五部尼柯耶 pañca nikāya
 - Saṃyutta-nikāya 相應部經
 - Majjhima-nikāya 中部經
 - Dīgha-nikāya 長部經
 - Aṅguttara-nikāya 增支部經
 - Kuddaka-nikāya 小部經

四部阿含的成立

— 第一階段 (雜阿含，泛稱「相應教」)

- 修多羅+祇夜+記說 -- 弟子所說、如來所說
- 重甚深教理

— 第二階段 (中阿含)


- 修多羅+弟子所說+新增的教法
- 新增的部分：依弟子所說的學風，而展開法義的分別、抉擇、開展出很多經典
- 以僧伽內部為主
- 比雜阿含較長的經典

— 第三階段 (長阿含)

- 祇夜 + 中阿含 + 新增的教法
- 對外道、婆羅門所說的法；為適應世間及外道
- 比中阿含更長的經典

— 第四階段 (增一阿含)

- 如來所說 + 長阿含 + 新增的教法
- 以「如來所說」為主，以增一法而進行類集
- 重一般信眾的教化；以如來的神通與果德為主



第三節 空與心解脫

尊者那伽達多告質多羅長者：「有無量心三昧 (appamāṇā ceta 心vimutti解脫)，無相心三昧 (animittā cetovimutti)，無所有心三昧 (akiñcaññā cetovimutti)，空心三昧 (suññatā Cetovimutti)。云何，長者！此法為種種義故種種名？為一義有種種名？」

質多羅長者問尊者那伽達多：「此諸三昧被世尊說，為尊者自意說耶？」

尊者那伽達多答言：「此世尊所說。」

質多羅長者語尊者那伽達多：「聽我小思惟此義，然後當答。」

須臾思惟已，語尊者那伽達多：「有法種種義、種種句、種種味，有法一義、種種味。」

復問長者：「云何有法種種義、種種句、種種味？」

長者答言：「無量三昧者，謂：聖弟子心與慈俱，無怨、無憎、無恚，寬弘重心，無量修習普緣，一方充滿，如是，二方、三方、四方、上下，一切世間心與慈俱，無怨、無憎、無恚，寬弘重心，無量修習，充滿諸方一切世間普緣住，是名無量三昧。

云何為無相三昧？謂：聖弟子於一切相不念，無相心三昧身作證，是名無相心三昧。

云何無所有心三昧？謂：聖弟子度一切無量識入處，無所有，無所有心住，是名無所有心三昧。

云何空三昧？謂：聖弟子世間空；世間空如實觀察，常住、不變易，非我、非我所，是名空心三昧。

是名為法種種義、種種句、種種味。」

復問長者：「云何法一義、種種味？」

答言：「尊者！謂：貪有量，若無諍者第一無量；謂：貪者是有相，恚、癡者是有相，無諍者是無相；貪者是所有，恚、癡者是所有，無諍者是無所有。

復次，無諍者空：於貪空；於恚、癡空；常住、不變易空；非我、非我所，是名法一義、種種味。」(雜·567經)

第四節 無量

- 應知作意略有三種：一自相作意，二共相作意，三勝解作意。自相作意者，如有思惟地為堅相，水為濕相，火為煖相，風為動相，如是一切。共相作意者，如十六聖行相俱生作意等。勝解作意者，如不淨觀、持息念、解脫、勝處、遍處等俱生作意。問：「此四無量於三種中，為與何等作意俱生？」。答：「唯與勝解作意俱生，假想起故！」（《大毘婆沙論》卷82）

- 尊者舍梨子教化陀然，為說梵天法已，從坐起去。尊者舍梨子從王舍城出，未至竹林加蘭哆園。於其中間，梵志陀然修習四梵室，斷欲。捨欲念，身壞命終，生梵天中。

... 於是，尊者舍梨子往詣佛所，稽首禮足，却坐一面。世尊告曰：「舍梨子! 汝何以不教梵志陀然過梵天法。若上化者，速知法如法。」

尊者舍梨子白曰：「世尊! 彼諸梵志長夜愛著梵天，樂於梵天，究竟梵天，是尊梵天，實有梵天，為我梵天。是故，世尊! 我如是應。」
(中·27)

第五節 無所有

《中阿含》「淨不動道經」：

第一淨不動道：

- 爾時，世尊告諸比丘：「若現世欲及後世欲，若現世色及後世色，彼一切是魔境界，則是魔餌。... 彼以是行·以是學，如是修習而廣布，便於處得心淨。於處得心淨已，比丘者或於此得入不動，或以慧為解。彼於後時，身壞命終，因本意故，必至不動。是謂第一說淨不動道。」

第二淨不動道

- 多聞聖弟子作如是觀：「若有色者。彼一切四大及四大造。四大者是無常法。是苦。是滅。」彼如是行。如是學。...比丘者或於此得入不動，或以慧為解。彼於後時，身壞命終，因本意故，必至不動。是謂第二說淨不動道。

第三淨不動道

- 復次，多聞聖弟子作如是觀：「若現世欲及後世欲，若現世色及後世色，若現世欲想。後世欲想，若現世色想。後世色想，彼一切想是無常法。是苦。是滅。」彼於爾時必得不動想。...比丘者或於此得入不動，或以慧為解。彼於後時。身壞命終。因本意故。必至不動。是謂第三說淨不動道。

第一 淨無所有處道

- 復次，多聞聖弟子作如是觀：「若現世欲想・後世欲想，若現世色想・後世色想及不動想。彼一切想是無常法・是苦・是滅。」彼於爾時得無所有處想。...比丘者或於此得入不動，或以慧為解。彼於後時。...是謂第一說淨無所有處道。

第二說淨無所有處道

- 復次，多聞聖弟子作如是觀：「此世空(世間空)、空於神(我)・神所有(我所)。空有常，空有恒，空長存，空不變易。」彼如是行・如是學。如是修習而廣布。便於處得心淨。於處得心淨已。比丘者或於此得入無所有處，或以慧為解。...。是謂第二說淨無所有處道。

第三淨無所有處道

- 復次，多聞聖弟子作如是觀：「我非為他而有所為，亦非自為而有所為。」...便於處得心淨，於處得心淨已，比丘者或於此得入無所有處，或以慧為解。...是謂第三說淨無所有處道。

淨無想道

- 復次，多聞聖弟子作如是觀：「若現世欲及後世欲，若現世色及後世色，若現世欲想・後世欲想，若現世色想・後世色想及不動想、**無所有處想**。彼一切想是無常法・是苦・是滅。」彼於爾時而得無想。...於處得心淨已，比丘者或於此得入無想或以慧為解。彼於後時。身壞命終。因本意故。必至無想處。是謂說淨無想道。

於行有執一不得涅槃

- 尊者阿難叉手向佛，白曰：「世尊! 若有比丘如是行無我·無我所·我當不有·我所當不有，若本有者，便盡得捨。世尊! 比丘行如是，彼為盡得般涅槃耶？」

世尊告曰：「阿難! 此事不定，或有得者，或有不得。」

尊者阿難白曰：「世尊! 比丘云何行不得般涅槃？」

世尊告曰：「阿難! 若比丘如是行無我·無我所·我當不有·我所當不有，本有者，便盡得捨。阿難! 若比丘樂彼捨·著彼捨·住彼捨者。阿難! 比丘行如是，必不得般涅槃。」...

- 尊者阿難白曰：「世尊! 比丘云何行必得般涅槃？」
世尊告曰：「阿難! 若比丘如是行無我·無我所·我當不有·我所當不有。若本有者，便盡得捨。阿難! 若比丘不樂彼捨·不著彼捨·不住彼捨者。阿難! 比丘行如是，必得般涅槃。」
- 爾時，尊者阿難叉手向佛，白曰：「...世尊! 云何聖解脫耶？」世尊告曰：「阿難! 多聞聖弟子作如是觀：若現世欲及後世欲，若現世色及後世色，若現世欲想·後世欲想，若現世色想·後世色想及不動想·無所有處想·無想想，彼一切想是無常法·是苦·是滅。是謂自己有，若自己有者，是生·是老·是病·是死。阿難! 若有此法，一切盡滅無餘不復有者，彼則無生、無老·病·死。」

第六節 無相

- 強梁禪(《雜阿含》· 926)

爾時，世尊告誑陀迦旃延(Sandha)：「當修真實禪，莫習強梁禪。如強梁馬，繫槽櫪上，彼馬不念：『我所應作、所不應作。』但念穀草。如是，丈夫於貪欲纏多所修習故，彼以貪欲心思惟，於出離道不如實知，心常馳騁，隨貪欲纏而求正受；瞋恚、睡眠、掉悔、疑多修習故，於出離道不如實知，以疑蓋心思惟，以求正受。」

「誑陀！若真生馬繫槽櫪上，不念水草，但作是念：『駕乘之事。』如是，丈夫不念貪欲纏，住於出離如實知，不以貪欲纏而求正受，亦不瞋恚、睡眠、掉悔、疑纏，多住於出離；瞋恚、睡眠、掉悔、疑纏如實知，不以疑纏而求正受。」

「如是，誣陀！比丘如是禪者，不依地修禪，不依水、火、風、空、識、無所有、非想非非想而修禪。不依此世、不依他世，非日、月，非見、聞、覺、識，非得非求，非隨覺，非隨觀而修禪。」...

爾時，有尊者跋迦利住於佛後，執扇扇佛。時，跋迦利白佛言：「世尊！若比丘云何入禪，而不依地、水、火、風，乃至覺觀，而修禪定？」...

佛告跋迦利：「比丘於地想能伏地想，於水、火、風想、無量空入處想、識入處想、無所有入處、非想非非想入處想。此世他世，日、月、見、聞、覺、識，若得若求，若覺若觀，悉伏彼想。跋迦利！比丘如是禪者，不依地、水、火、風，乃至不依覺、觀而修禪。」...。

《中阿含》小空經

喻：鹿子母堂空與不空

- 世尊答曰：「阿難! 彼我所說，汝實善知。善受。善持。所以者何？我從爾時及至於今，多行空也。阿難。如此鹿子母堂空無象。馬。牛。羊。財物。穀米。奴婢，有不空，唯比丘眾。是為阿難! 若此中無者，以此故我見是空，若此有餘者，我見真實有。阿難! 是謂行真實。空。不顛倒也。」

一、以無事想除村想、人想

- 阿難! 比丘若欲多行空者，彼比丘莫念村想，莫念人想，當數念一無事想。彼如是知空於村想，空於人想，然有不空，唯一無事想。若有疲勞，因村想故，我無是也；若有疲勞，因人想故，我亦無是。唯有疲勞，因一無事想故。若彼中無者，以此故，彼見是空；若彼有餘者，彼見真實有。阿難! 是謂行真實·空·不顛倒也。

二、以地平想除無事想

- 復次，阿難! 比丘若欲多行空者。彼比丘莫念人想，莫念無事想，當數念一地想。彼比丘若見此地有高下、有蛇聚、有棘刺叢...，莫念彼也。若見此地平正如掌，觀望處好，當數念彼。...彼如是知，空於人想，空無事想，然有不空，唯一地想。若有疲勞，因人想故，我無是也；若有疲勞，因無事想故，我亦無是。唯有疲勞，因一地想故。...

三、層層捨離

- 復次阿難! 比丘若欲多行空者，彼比丘莫念無事想，莫念地想，當數念一**無量空處想**。彼如是知：空無事想，空於地想，然有不空，唯一無量空處想。...唯有疲勞。因一無量空處想故...。
- 復次阿難! 比丘若欲多行空者，彼比丘莫念地想。莫念無量空處想，當數念一**無量識處想**...。
- 復次阿難! 比丘若欲多行空者，彼比丘莫念無量空處想，莫念無量識處想，當數念一無所有處想。
- 復次阿難! 比丘若欲多行空者，彼比丘莫念無量識處想，莫念無所有處想，當數念一無想心定。彼如是知。空無量識處想。空無所有處想。然有不空。唯一無想心定。 ...

第七節 空與空性

一、空住(上座禪)

爾時，尊者舍利弗晨朝著衣持鉢，入舍衛城乞食。乞食已，還精舍，舉衣鉢，洗足已，持尼師檀，入林中，晝日坐禪。時，舍利弗從禪覺，詣世尊所，稽首禮足，退坐一面。

爾時，佛告舍利弗：「汝從何來？」舍利弗答言：「世尊！從林中晝日坐禪來。」佛告舍利弗：「今入何等禪住？」舍利弗白佛言：「世尊！我今於林中入空三昧禪住。」

佛告舍利弗：「善哉！善哉！舍利弗，汝今入上座禪住而坐禪，若諸比丘欲入上座禪者，當如是學。若入城時、若行乞食時、若出城時，當作是思惟：『我今眼見色，頗起欲、恩愛、愛念著不？』」

舍利弗！比丘作如是觀時，若眼識於色有愛念染著者，彼比丘為斷惡不善故，當勤欲方便，堪能繫念修學。譬如有人，火燒頭衣，為盡滅故，當起增上方便，勤教令滅，彼比丘亦復如是。當起增上勤欲方便，繫念修學。」(雜·264)

無色界	非想非非想
	無所有處
	識無邊處
	空無邊處
色界	四禪：(1)無雲天，(2)福生天，(3)廣果天(無想天)，(4)無煩天，(5)無熱天，(6)善現天，(7)善見天，(8)色究竟天
	三禪：(1)少淨天，(2)無量淨天(3)遍淨天
	二禪：(1)少光天，(2)無量光天，(3)極光淨天
	初禪：(1)梵眾天，(2)梵輔天，(3)大梵天
欲界	六欲天：四大王眾天，三十三天，夜摩天。覩史多天，樂變化天，他化自在天

第八節 空為三三昧先導

- 聖法印經(雜·80)

爾時，世尊告諸比丘：「當說聖法印及見清淨。諦聽！善思！」

「若有比丘作是說：『我於空三昧未有所得，而起無相、無所有、離慢知見。』者，莫作是說。所以者何？若於空未得者而言我得無相、無所有、離慢知見者，無有是處！

若有比丘作是說：『我得空，能起無相、無所有、離慢知見。』者，此則善說。所以者何？若得空已，能起無相、無所有、離慢知見者，斯有是處！云何為聖弟子及見清淨？」...

佛告比丘：「若比丘於空閑處樹下坐，善觀色無常、磨滅、離欲之法。如是觀察受、想、行、識，無常、磨滅、離欲之法。觀察彼陰無常、磨滅、不堅固、變易法，心樂、清淨、解脫，是名為『空』。如是觀者，亦不能離慢、知見清淨。」

「復有正思惟三昧，觀色相斷。聲、香、味、觸、法相斷，是名無相(想)。如是觀者，猶未離慢、知見清淨。」

「復有正思惟三昧，觀察貪相斷，瞋恚、癡相斷，是名無所有。如是觀者，猶未離慢、知見清淨。」

「復有正思惟三昧，觀察我所從何而生？

復有正思惟三昧，觀察我、我所，從若見、若聞、若嗅、若嘗、若觸、若識而生。

復作是觀察：『若因、若緣而生識者，彼識因、緣，為常、為無常？』。

復作是思惟：『若因、若緣而生識者，彼因、彼緣皆悉無常。』

復次，彼因、彼緣皆悉無常，彼所生識云何有常？無常者，是有為行，從緣起，是患法、滅法、離欲法、斷知法，是名聖法印知見清淨...。